

精鈔
大字

隨

園

全集

詩集

十五

楊近園全集

小倉山房詩集卷二十五 丙丁申酉戌戌

錢唐袁枚子才

正月十五日園中飛下一鶴

一團白雪青天落。園丁走報來仙鶴。來自何方產何土。鶴不能言但起舞。園中三鶴一鶴單。物得其偶居之安。主人當作不速客。取著筮之敬終吉。

哭座主鄧遜齋先生 有序

戊午科。余與平西大將軍阿公廣庭同出先生門下。先生每稱分校得士。一文一武。今年正月。將軍平定金川。而先生先一年捐館。故賦詩志哀。先生諱時敏。四川人。官大理寺卿。

當年絳帳同升客。此日凌晨煙第一勳。共說門牆原不忝。敢云文武竟平分。名書虎榜三生夢。甲洗龍沙萬里雲。告奠九原公亦笑。是誰衣鉢有將軍。

過瞻園弔訖師健尚書

十年不見託尚書。重過瞻園感舊居。匝地風花春事換。滿牆煙墨雨痕疏。老臣力盡還朝後。國士知深見面初。擬賦八哀詩未就。幾行衰淚落衣裾。

哭逸園主人 有序

主人姓程名鍾字在山。夫之隱君子也。與其妻生香居士同有詩名。所居逸園在西磧山下。余過訪不值。次日君入城始得一見。別後再投以詩。而君亡矣。其佳句云。高樓鎮日無人到。賸有山妻問字來。可以想其風調。

與君一見了前緣。芳訊重投便杳然。四海名園推梓澤。半生嘉偶伴伶元。似知數盡將山賣。予到園時聞已售與江氏定有詩存待我傳。西磧風烟太湖月。從今不泛子猷船。

雞

養雞縱雞食。雞肥乃烹之。主人計自佳。不可使雞知。

送保將軍勵堂之施南

吳下驪歌夾耳聞。我來剛值送將軍。請看江上雙旌影。已似將飛一片雲。履曳星辰

劍上方。偏教生性愛文章。倉山幾曲風華調。君盡能歌我轉忘。千條紅燭兩枝花。餞別

依依小杜家。開周他日巴山聽夜雨。更誰行酒進琵琶。弓刀獵罷萬山青。風捲紅旂

過洞庭。可帶橫塘一枝笛。夜深吹與老龍聽。善撫生苗與熟苗。追陪嚴武與韋臯。八風

平處雙聲穩。一卷新詩即六韜。送君南浦草萋萋。望見楊花首欲低。一樣天涯送行客。

楊花能到夜郎西。

過蘇州有懷南溪太守新遷觀察轉漕北行

六十黃堂兩鬢清。一朝丹詔下神京。高年豈望遷官職。聖主偏能記姓名。緩緩漕糧東魯去。煌煌衣錦故鄉行。長河月色三千里。萬觴齊聽號令聲。袁絲別後下姑蘇。悔作尋春范大夫。知己偶然心上有。美人真覺世間無。難將蘭漿迎桃葉。且坐甘棠聽鷓鴣。愁過南衙文燕處。旌旂人遠月明孤。

哭侍衛明公有序

公名仁。將軍忠烈公名瑞者之弟。年少能詩。在尹相國處見予篇詠。寄聲索贈。予感其意。書扇貽之。而公已從征金川。歿於軍矣。

遠蒙京國問才名。知己何曾一識荆。團扇詩才從北寄。雕弓人已賦西征。通侯門第文兼武。上將沙場死亦生。遙莫寒雲招左轂。海天兜率盡交情。

某學士已謫降矣。猶責余不以公服相迎。余雖謝過而退。後不能無詩。

何苦蓬門閣閣譁。私蛙猶道是官蛙。一枝紅蓼雖孤潔。生就人間瑣碎花。

眼入夜昏澀見燈輒賦戲賦二詩

薄暮雙眉蹙。飛珠繞眼眶。望洋空有嘆。視物總如傷。無復宵攤卷。何妨早就床。譬如人世上。原自沒燈光。

秉燭宵遊興忽差。倍教白日惜年華。想來老亦多情累。兩眼渾如夜合花。

升沉

山色蒼茫落照微。開沉到處有天機。楊花自繞蛛絲上。莫怪春風吹不飛。

江西方伯楊西峰巡撫江蘇五月受篆寄賀四章

故人開府到吳中。捧日葵花色正紅。八座有誰堪此席。半生惟我最知公。智珠在手風雲闊。卿月當天氣象空。真個恩膏似流水。大江西下大江東。

二十霜。公宰昭文時年纔弱冠在昔東廂聽鼓角。於今南面握牙璋。官從舊地還纔樂。人是相知喜

更狂。料得軍民齊額手。中丞玉貌未曾蒼。記否當年聚白門。兩家燈火話黃昏。一餐不

作常賓待。萬事都從絕頂論。公精爾雅他客不得與宦海光陰流水逝。樓霞遊伴幾人存。謂莊藩而

今半壁東南主。為我應留酒百尊。小人有母受恩施。客歲稱觴使者馳。雙束冰絲圍

客輿。一行珠字白華詩。情深膠漆真無忝。分隔雲泥兩不知。寄語關西楊太尉。相尋未敢出

山遲。

贈慶郎

寂寂朱門當館娃。行行珠字傍牕斜。世間只有張公子。竹齋解采華林班名第一花。蛟

蝶雌雄且莫分。女兒香贈女兒熏。遙知燒處雙煙起。化作仙童一朵雲。欲試芙蓉雨後

妝。青溪同浴兩鴛鴦。分明一掬僧房水。抵得華清第二湯。客牕寒重夜眠遲。贈汝吳

棉有所思。願得他生為翠被。鄂君身上覆多時。

齒痛悶坐戲作長歌

前有萬古去漠漠。後有萬古來涵涵。當中忽放我一人。不前不後生今朝。孫曾以後之人物。不接見。開闢以前之史冊。誰傳抄。徒然苦受倉頡累。四千年中文字來煎熬。就使學業追孔孟。勛業同夔臯。猶恐一朝乾坤毀。也如雲氣隨風飄。何況硜硜居空谷。寂寂守蓬茅。五岳不曾走蠟屐。六十尚未麾旌旄。造化小兒漸欺我。齒痛呼晷聲嗷嗷。眼前未死先冥漠。說談傳世不朽殊無聊。擬學古之行樂人。酒飲公孫穆。色好公孫朝。已為財力所制限。名教所阻撓。再欲將身送還天與地。又被殘形恒幹相拘膠。只得支頤枯坐無一語。自弄筆墨當笙簫。甯戚高歌白石爛。杞人自信青天窄。方寸之間驅水火。八荒以外馳輪瓦。身隨黃頭青曾歿處歿。魂憑白蛇嬰拂招時招。但願生生世世莫作有情物。一任劫灰盪滌吹我作泰山之頑石。大海之波濤。

再贈慶郎

三月春光上已濃。笙歌人集水西東。樹梢挂起燈如海。照得紅兒分外紅。捲簾招月坐。蕭齋意欲留春事。竟諾寄語阿瞞私誓了。他生爭及此生佳。為儂指引若耶溪。笑上妝樓躡小梯。奪婿吳娘真有福。吹簫同住板橋西。開過紅榴鳥欲飛。相思能不夢依依。

願卿身似春潮長。早到胥江晚即歸。

南溪遷江蘇臬司再賀一詩

孔戣久被天心眷。重疊恩綸下玉坡。千里人才瞻舜日。三遷官總聽吳歌。舟因久泊風彌順。花為遲開露轉多。我與蒼生齊引領。看番報稱更如何。

人老莫作詩

鶯老莫調舌。人老莫作詩。往往精神衰。重複多繁詞。香山與放翁。此病均不免。吳況于吾曹。行行當自勉。其奈心感觸。不覺口咿嚅。譬如一年春。便有一年花。我意欲矯之。言情不言景。景是眾人同。情乃一人領。

晚遊古林寺

一鐘打出滿堂僧。佛面金光半閃燈。龍樹無聲風小定。袈裟有影月初升。講經未必花能笑。拄杖微聞石欲應。底事空王誇解脫。春來不解半池冰。

余久離祿仕而戚里紛紛誣謗不已初頗厭之既乃有悟於物理變頃為喜故作是詩戚里紛紛太糾纏。閒思物理忽欣然。樹堪避雨多棲鳥。水不通河少泊船。石佛疲津雖欲卧。雲仙捨藥且隨緣。求終比求人好。平著心着即是禪。

卅年

卅年山館住悠悠。十簷誰交陸敬游。插處綠楊成古樹。畜來黃口盡蒼頭。釣竿手顫魚難

得棋局心忙子不收。只有吟詩如老將。窮途佳句獲才休。

野廟

白石神君廟。黃車使者臨。客愁難語慣。僧頂鵲巢深。錦雨通宵暗。金苔滿地陰。上和香一炷。留贈古檀林。

折花

看書時是看花時。兩事商量割愛遲。只好折花書案供。也聞香氣也吟詩。

題宋人詩話

元聖雖不作。何王不哀哀。終日嗜菖蒲。未必皆文王。孔子所以聖。豈在不撒薑。我讀宋詩話。嘔吐盈中腸。附會韓與杜。瑣屑為誇張。有如倚權門。凌轢眾老蒼。又如據泰華。不復遊瀟湘。丈夫貴獨立。各以精神強。千古無臧否。子心有主張。肯如轅下駒。低頭傍門牆。

悔軒太守長淮利涉圖

長淮泱泱浪拍山。舟中太守目營然。為貪四顧眼界寬。船篷盡卸船帷褰。蕩舟者急腰背彎。擊楫者猛鬚連鬟。奚童持帽容清便。飄飄華蓋風吹偏。隄旁樹底聲喧闐。倚前散從將馬牽。兜牟雉尾衝寒煙。弓刀旂幟鞍轡閑。一一錯雜楊花間。問公何事心憂煎。腰輿不坐偏扣舷。客秋河決黃淮連。魚頭赤子相比肩。救災如救野火燃。黃堂官作羣官先。疏排貴迅築

貴堅。何者宜堵何者穿。非身親到心胡安。民視公身如大船。捆載萬戶利涉川。精誠所感神亦憐。支祈可鎖鼉可鞭。饑者與飯寒與棉。波濤聲裡頒金錢。非公孰把皇仁宣。雙槳搖去重回旋。左視右視求萬全。我聞史起能引泉。河隄謁者稱王延。煌煌史冊相留傳。以公作配何慙焉。誰知公意猶拳拳。畫圖當作越膽懸。道民受病難遽痊。元氣可復須三年。此語公然直奏天。

悔軒一稔之中驟遷觀察再遷方伯索詩為賀

兩度恩綸下玉京。三遷官不出江城。風高太覺雲行速。惹得閒鷗聽也驚。更喜新

衙接舊衙。半條街近好移家。官遷真個鶯遷似。六隔一牆紅杏花。中山王府舊樓臺。迎

過變與花尚開。此日遭逢勝元九。遷官兼得住蓬萊。東南民力近何如。儒者經綸

定有餘。好惜分陰懷祖德。青燈還賴幾行書。北海尊開酒不辭。匡衡翼奉本同師。自

憐三十年前客。合有瞻園老樹知。與公同出孫文定公門下曾賦園中景十篇。曾交碑碣記先賢。

而今得遇文章伯。合浦珠還豈偶然。託尚書瞻園碑現寄瞻園公將歸之

哭高東井孝廉有序

東井名文照。湖州武康人。高才博學。父為南捕通判。有廉名。東井中甲午鄉試。客死京師。年三十。無子。

風傳消息自幽燕。聽說詩人不永年。循吏兒郎好才子。一齊抹掇也由天。 二十萬言

書誦畢。八千餘紙手抄忙。不知一片心頭血。客邸誰收古錦囊。 目空四海無前輩。心折

千篇有老夫。此日等身諸著作。九原抱著見韓蘇。 關情夜燭與晨燈。甚矣吾衰仗後

生。豈料擎雲心事健。一枝秋桂了前程。

題黃梁夢枕圖

非因非想夢難通。人有心情各不同。我過邯鄲曾有夢。夢攤書卷萬花中。

心中賢人歌寄錢璵沙方伯

書中有賢人。其人不可再。心中有賢人。其人宛然在。其人在何處。閩江為屏藩。吾幼與同學。吾長與同官。溫公愛蜀公。生前為立傳。吾亦愛錢公。意欲書其善。公書善歐趙。公詩善白蘇。以兩善稱公。後之為丈夫。 天子南巡狩。 璵書頌諄諄。誠恐供張費。累彼元元民。江

督黃文襄。陰違而陽遵。孤行一己意。東下如濕薪。其人養威重。上相不敢嗔。公乃手彈章。焚香達 紫宸。 天子立召見。問汝所知因。公奏御史官。言事重風聞。倘問所來由。是

絕言者根。 天聽為之動。將黃訓飭頻。有此小臣直。彌彰 聖主仁。一時王侯駭。爭來

窺公門。以為朝陽鳳。以為獨角麟。誰知公恂恂。公貌如婦人。 金吾有邏騎。擗擗虎而冠。

內府四十名。白日橫行慣。公視永豐倉。此輩猶狎玩。其魁名李五。喧呶薄几案。公怒械繫

之封章奏王殿。詔命盡革除。為首者誅竄。百僚舞於衢。路人相與嘆。神羊挺然立。自邪已消半。何況鳴一聲。根株自痛斷。

彰化內凹莊。生番殺黔首。賴白兩姓家。二十有二口。故事番作惡。武吏有責成。生番殺人重。熟番殺人輕。大吏爭護前。各以熟番報。公時巡臺灣。獨以生番告。洋洋海風起。偏遲御史章。奏騎既濡滯。所奏又乖張。天語加切責。大吏滋不悅。詞者來調停。詠公改前說。公指窗前山。是豈可動乎。苟其狗有位。何以對無辜。亡何矯虔吏。買頭作証。證事發得上聞。昭昭黑白定。

三吳民風柔。俗吏恣威福。但博大府笑。不顧小民哭。公莅觀察任。上手無留獄。其一竟劾去。其一稍瑟縮。蠹胥擒五鬼。積案掃千牘。懷碑者改行。舞文者坻伏。片紙告誡張。萬民雪涕讀。傳抄未停手。曲踊時頓足。可惜僅一年。旌旂遽入蜀。民恨公來遲。又恨公去速。至今說公名。父老淚歛歛。

古有班馬才。能記非常事。今有班馬才。苦無事可記。我欲得公狀。催公作郵寄。公曰我生平。碌碌無他異。虛心而寔力。祇守此四字。大哉明公言。四字談何易。其惟聖人乎。當之庶無愧。願公永勉旃。徐徐俟其至。我欲立公傳。恐公事正多。我欲少遑緩。又恐傳者訛。故且託韻語。傳播為詩歌。歌公更勗公。公其慎晚節。空山有故人。含笑看史筆。

題幽光集後

王陸禔至高文
熙凡二十餘人

河嶽英靈氣未伸。有才無命最傷神。何時得上韋莊表。追賜科名十六人。

所見

牧童騎黃牛。歌聲振林樾。意欲捕鳴蟬。忽然開口立。

遠眺

秋江遠眺碧雲空。一笑啞然對晚風。鷓鴣爲覓魚終日立。不會肥過信天翁。

留別蘇州主人唐靜涵

君家久住竟忘家。兒女同聲喚阿爺。借慣舊書多脫線。代栽新樹暫停花。商量小食先呈譜。歷亂飛棋更鬪瓜。如此主賓能有幾。戲將瑣事記些些。

謝渤海相公賜老母人參

一朵慈雲下碧空。堂堂頃刻起春風。扶衰正想尋靈藥。造命由來屬相公。價比兼金千鎰貴。形如瑞麥兩歧同。殷勤手付家僮意。小草無言有寸衷。公鑒材官賚來有費肆賞

哭唐靜涵十二首

吳下霜飛九月天。唐衢竟賦小遊仙。傷心三十年中事。歷歷捫胸尚宛然。初飲華堂

酒一卮。青年意氣兩相知。屏風窺客金釵滿。正是君家全盛時。奪得鸞篋返石城。三郎

懊惱不勝情。是誰巧作鶯花主。不負黃衫俠士名。事載賤墓志從此雲龍角逐忙。裁紅暈

碧兩相將。棣華書舍三間屋。便是儂家選佛場。寒山聽雪倚斜曛。鄧尉探梅踏白雲。

一輛籃輿兩枝漿。嬉遊何處不同君。

護世城中美膳難。多君親手製盤餐。晨晷北雁

商量處。忙殺何曾舊食單。

龐公妻子都無避。稽呂相思便駕車。笑我身如春燕子。一年

一度宿君家。

為唱曩盧六子紅。驚心風浪太匆匆。忝為北海孫賓石。曾匿臺卿複壁

中。漸漸清霜滿鬢來。欣欣且喜老懷開。衣衫質盡長生庫。猶入花叢醉幾回。

朱弦

兩度斷琵琶。賺得雲仙蔡少霞。一夜長眠人不醒。繞床嬌女尚呼爺。

今春置酒舞曹

婆。蹙姊彈箏阿子歌。豈料人生真局促。黃公壚下即山河。

早知此會成長別。悔不勾留

再一宵。量取長江盛老淚。君魂舍我更誰招。

閱歷

閱歷名場四十春。一言常自說津津。久居軒蓋無佳士。不讀詩書有俊人。

昭君

妾彈琵琶非自傷。傷心還是為君王。千秋幾個傾城色。一旦輕輕付遠方。君王若果非知己。

妾亦甘心絕域死。如何賤妾遠行時。詔書正選良家子。良家子。比妾姝。問旁人。如不如。

偶觸

偶觸危機黯自傷。白頭無語立斜陽。可能野谷空山裏。禁住梅花不要香。

偶成

安身浮世外。行止自徐徐。白鷺替迎客。春風為卷書。

吟罷自書竹。茶烟吹入牕。輕雲

含雨重。孤蝶得花雙。

一月關門住。忘書記復清。詩情似池水。都向靜中生。

悼花

梅花盛開時。杏花若相覷。杏花正紅酣。海棠有爭意。一花復一花。循環作交替。容華非不佳。過者便憔悴。春風非無情。不能將花繫。開落會幾時。在花如一世。旁有看花人。淒然自隕涕。

玩月

無月夜可憎。有月夜可愛。忽把爛銀盤。揮之出門外。恰思人未來。滿地月橫陳。如何人一來。月光飛上身。思之不可得。掬之若可取。忽然疎影搖。梅花如欲語。

自讖

仙人九障名居一。上士關防口最先。安得四禪天上住。一生風不到牕前。

和沈觀察遊華山韻

仙人掌上馭風行。玉女頭盆拄杖聲。兩角孤雲天一握。千尋飛瀑月三更。近招白雁烟中語。遠望黃河樹頂生。擬把綠章奏閭闔。滿腔心事沈初明。

造假山

半倚青松半掩苔。一峰橫豎一峰迴。高低曲折隨人意。好處多從假字來。

感往事有作并序

予為鳳齡事。至今怏怏。因憶己巳春。卜妻平湖有良家子楊氏。許贈不許見。事故中止。及買舟歸。而其家追余往見。則病作不能行矣。嗣後或交臂失。或來歸後又遣去。舛午膠輮不一而足。大有悟于佛氏因緣之說。故作是詩。

綺麗情懷閱歷身。青天碧海漫尋春。每看遭際千般幻。始信因緣兩字真。花到手時偏不折。壁從懷後轉生嗔。暗中竟有牽絲者。笑我徒為傀儡人。

山頂蘭

一枝幽草植山阿。開既飄零落又多。不是無人來香色。其如生處太高何。

謝梅軒公饋烏鬚藥

買染鬚藥如買酒。年年一介馳京口。欣逢長者陶通明。肯賜刀圭變老醜。每對明鏡愁鬚蒼。便趨華堂索秘方。果然諸毛餐黑水。頃刻滿面消秋霜。我聞度世真神仙。不忍獨自作少年。又聞堯染臯陶舜染禹。彼此沾濡聖如許。先生報國恩無量。常恐年衰意懶悵。但見青蔥繞頰生。掀髯一笑心還壯。小人有母忘兒衰。視我花甲如嬰孩。得教綠鬢同潘岳。勝舞斑衣學老萊。旁人不知笑吃吃。道此兩人媚側室。噫吁嘻。君不見從古友朋膠漆情。紛

紛擾擾堅白鳴何如同讀太元經。

卧鐘

一鐘倒卧鐘山坳。后夢敲後無人敲。宮商滿腹悄無語。草蟲亂叫秋天高。我來駐馬急拊視。藥乳模糊土花紫。篆文隱隱莓苔封。露漬斑斑鉛水洗。口寬千石容有餘。身重萬人扶不起。憶昔橫陳寢殿中。四廟九奏聲隆隆。曾招鼉鼓聲相應。曾喚宮娥睡不濃。一朝世事浮雲過。太常樂散金甌破。尚有鈞天夢未終。可憐小劫身先墮。烏踏還疑晁氏鐫。雪飛似伴袁安卧。飄泊泥沙不計年。摩挲幾度過神仙。牧童手小爭來擊。佛子樓低不敢懸。我聞禹鼎長淪沒。何況銅駝困荆棘。聾俗誰為傾耳人。長眠且入無雷國。別汝回頭感不勝。千秋老物定神靈。年年霜降商山日。可作鯨魚吼一聲。

寄陝西撫軍畢秋帆先生兼呈令舅張少儀觀察

九天臚唱掣金螭。三輔風雲擁節旄。殿上策猶推賈董。關中功已重蕭曹。軍興五載民如忘。章奏十回帝總褒。想見終南山色裏。一輪卿月比前高。春滿軍門有所思。百花頭

上看花時。采風手纂長安志。感舊情深吉甫詩。公修西安志梓尹文瑞公詩已屈君平參幕府。冬友更招小戴作經師。敬咸知公偶折金河柳。也折人間第一枝。下官銜本隸旌麾。卅載身因

奉母歸。一面未曾瞻華嶽。八行先自賜珠璣。游仙夢記風前遠。隔水琴彈海上稀。多感美